



Ovaj projekat finansira Evropska unija



LOKALNA PARTNERSTVA
ZA ZAPOSŁJAVANJE
U BOSNI I HERCEGOVINI



International Labour Organization

Predmet: Saopćenje za medije

U okviru EU projekta koji implementira REZ Agencija sa svojim partnerima u Travniku, podržano pet poslovnih ideja sa po 10.000 KM

U okviru projekta „TRIK za nove mogućnosti u zapošljavanju i poduzetništvu“ u subotu, 07.07.2018. godine u prostorijama poslovnog inkubatora BeeZone u Travniku, polaznici BeeZone Startup akademije, njih ukupno jedanaest, predstavili su svoje poslovne ideje stručnoj komisiji. Polaznici Startup akademije su u protekla dva mjeseca u poslovnom inkubatoru BeeZone prošli različite edukacije iz oblasti marketinga, razvoja biznisa, brendiranja, pisanja i razvijanja poslovnih planova, a ovo je bila prilika da stečena znanja iskoriste i na najbolji način predstavite svoju poslovnu ideju. Nakon uspješnog prezentiranja jedanaest različitih ideja, stručna komisija je odabrala njih ukupno pet, koji će biti podržani u okviru projekta i to u vrijednosti od po 10.000 KM, što će im svakako pomoći prilikom osnivanja, ali i rada startup preduzeća. Najinovativnije poslovne ideje koje su podržane u okviru projekta „Trik za nove mogućnosti u zapošljavanju i poduzetništvu“ su: Creativa NosTra - Mirele Džanić, MK-CNC – Muamera Kargića, Body and Beauty Lounge – Adile Horić, Total Business Consulting – Enise Mahmutović i AVIS proizvodi i poluproizvodi od drveta – Amara Halilovića.

Nakon što je poslovni inkubator BeeZone dobio svoje prve poduzetnike, uskoro će u okviru navedenoga projekta biti raspisan novi Javni poziv za mjesto u inkubatoru, kada će opet najbolje ideje biti podržane u vidu edukacija i stručnog usavršavanja, ali i neophodnih finansijskih sredstava za osnivanje i početni rad startup preduzeća.

Poslovni Inkubator BeeZone je odjel Centra za edukaciju mladih (CEM) u Travniku, koji pomaže mladim poduzetnicima u razvijanju poslovnih ideja i stvaranju novih poslova kroz osiguravanje okruženja za razvijanje posla, pristupima mentorstvu i investitorima, kao i pružanje podrške u marketinškim aktivnostima.

Vodeći partner u projektu „TRIK za nove mogućnosti u zapošljavanju i poduzetništvu“ je Regionalna razvojna agencija za regiju Centralna BiH - REZ, a partneri su: Općina Travnik, Centar za edukaciju mladih – CEM, Sveučilište/Univerzitet "Vitez" u Travniku, Služba za zapošljavanje SBK/KSB, GS tmt d.o.o. Travnik i NOBIL d.o.o. Nova Bila, a isti se se implementira u okviru krovnog projekta „Podrška lokalnim partnerstvima za zapošljavanje u Bosni i Hercegovini“, kojeg financira EU, a provodi Međunarodna organizacija rada (ILO).